

bis: Primùm: *Antecedens* voluntas nullum habet op-
positum decretum Reprobationis: consequens autem
diversis, salvandorum & damnandorum, decretis di-
stincta est.

50. *Alterum*: Antecedens voluntas universaliter
OMNES HOMINES complectitur; & omnibus offert
salutis media, ut credant & salventur: consequens ve-
rò voluntas, hominum obedientiam & inobedientiam
respicit, quatenus juxta universale consilium credunt,
vel eidem repugnantes, non credunt.

51. *Extremum*: Antecedens voluntas tantum re-
spicit miseriam hominum per fidem in CHRISTUM
restaurandam: Consequens, fideles saluti destinat; in-
fideles damnationi.

52. Unde colligitur eiusmodi πρόγραμμα: Consequens
voluntas antecedenti non est contraria sed illi subordinata
sive subalterna. Quod porrò probatur partim mani-
festis S. Scripturæ testimoniis: partim rationibus ex i-
psâ naturâ Antecedentis & consequentis voluntatis
petitis.

53. Ex Scripturâ quidem hoc manifesto liquet. 1.
Quia illa consequentem voluntatem coniungit cum
antecedente, illumq; huic subordinat in aureo illo di-
cto Joh. 3. v. 16: Sic DEUS dilexit mundum, ut filium su-
um unigenitum daret, ut omnis, qui credit in eum, non per-
eat, sed habeat vitam æternam. 2. Quia idem liquidò
constat ex Parabolis Evangelicis, de cœnâ magnâ,
Luc. 14. v. 16. & de nuptiis regiis, Matth. 22 v. 2.

54. Rationes idem probantes, sunt 1. Quia antece-
dens voluntas determinat, quid in negotio salutis hu-
manæ DEUS præstiterit, quid ordinaverit, & quid tan-
dem, ut illam homines consequantur, ab illis requirat:
voluntas verò consequens, respiciat ad actum ipsum